

CYNGOR SIR YNYS MÔN	
Adroddiad i:	Pwyllgor Gwaith a'r Cyngor
Dyddiad:	Pwyllgor Gwaith 14 Gorffennaf 2014 Cyngor 9 Hydref 2014
Pwnc:	Mynychu o Bell
Aelod(au) Portffolio:	Alwyn Rowlands
Pennaeth Gwasanaeth:	Lynn Ball – Pennaeth Swyddogaeth (Busnes y Cyngor) / Swyddog Monitro
Awdur yr Adroddiad: Rhif Ffôn: E-bost:	Awena Parry – (Cyfreithwraig) (Llywodraethu Corfforaethol) 01248 752563
Aelodau Lleol:	Amherthnasol

A – Argymhelliad/Argymhellion a Rheswm/Rhesymau
<p><u>ARGYMHELLION:</u></p> <p>Bod y Cyngor yn:</p> <ol style="list-style-type: none"> 1. Nodi'r Adroddiad a'r disgrisiwn a roddir yn Adran 4 Mesur Llywodraeth Leol (Cymru) 2011; 2. Peidio gweithredu trefniadau mynychu o bell ar hyn o bryd <u>neu</u> gyfarwyddo swyddogion i ymchwilio i'r goblygiadau TGCh, staffio a chost sy'n gysylltiedig â gweithredu trefniadau mynychu o bell. <p><u>RHESYMAU:</u></p> <p>Mae Adran 4 Mesur Llywodraeth Leol (Cymru) 2011 a'r Canllawiau Mynychu o Bell (sydd newydd ddod i rym) yn galluogi rhai aelodau etholedig i fynychu cyfarfodydd "o bell". Hynny yw, mynychu trwy gyswllt clyweledol, yn hytrach nag yn bersonol. Nid yw'r disgrisiwn hwn wedi ei gyfyngu i gyfarfodydd y Cyngor llawn.</p> <p>Fodd bynnag, mae gweithredu'r trefniadau hyn yn golygu bod raid cydymffurfio gyda nifer o ofynion technegol yn y Mesur. Felly, rhaid i aelod sy'n mynychu trwy gyswllt clyweledol fedru gweld a chlywed y rheini sy'n siarad yn y cyfarfod, a rhaid i'r rheini sydd yn y cyfarfod fedru gweld a chlywed y sawl sy'n defnyddio'r cyswllt clyweledol. Yn ogystal, rhaid i bawb sy'n defnyddio cyswllt clyweledol fedru gweld a chlywed ei gilydd a medru gweld a chlywed unrhyw aelod o'r cyhoedd sydd â hawl i siarad yn y cyfarfod, er enghraifft, yn y Pwyllgor</p>

Cynllunio a Gorchmynion, neu pryd gwahoddir y cyhoedd i siarad mewn cyfarfod o Bwyllgor Sgriwtini.

Bydd yr Aelodau yn sylweddoli bod y gofynion yn fwy cymhleth na'r cynllun peilot ar gyfer gweddarlledu sydd newydd ddechrau, ac y gall bod heriau technegol sylweddol iawn, yn ogystal â chostau uniongyrchol ac anuniongyrchol ychwanegol sy'n gysylltiedig â mabwysiadu trefniadau mynychu o bell.

Mae pryderon ynghylch agweddau technegol gweithredu'r cynllun yn cynnwys:

- risg y bydd y dechnoleg yn methu yn ystod y cyfarfod gan amharu ar y cyfarfod;
- cyfyngiadau o ran lled band;
- methiant aelod i gymryd rhan mewn trafodaeth o ganlyniad i anawsterau technegol a fyddai'n cael effaith ar ddilysrwydd y penderfyniadau a fyddai'n cael eu gwneud yn y cyfarfod, yn arbennig felly pan fo'r bleidlais yn agos;
- materion preifatrwydd (yn y fan lle mae aelod yn cymryd rhan o bell) pan fo'r eitem dan drafodaeth yn eitem sydd wedi ei heithrio (h.y. pan fo'r cyhoedd a'r wasg wedi eu cau allan o'r cyfarfod dan Rheoliadau Mynediad i Wybodaeth) .

Mae'n debygol hefyd y bydd goblygiadau staffio, gan efallai y byddai'n rhaid cael aelod o staff TGCh i fod wrth law yn y lleoliad gyda'r aelod sy'n defnyddio'r cyswllt clyweledol, a hynny er mwyn sicrhau bod y dechnoleg yn gweithio'n iawn a bod aelodau'n cael y cymorth priodol. Byddai angen darparu hyfforddiant i swyddogion ac unrhyw aelodau a fyddai efallai'n dymuno mynychu o bell; er mwyn sicrhau eu bod yn ymwybodol o'r agweddau cyfreithiol ond yn bennaf i ddelio ag unrhyw faterion technegol ac ymarferol a fyddai'n codi.

Mae angen cydnabod materion cydraddoldeb hefyd fel rhwng yr iaith Gymraeg a'r iaith Saesneg. Efallai felly y byddai angen cael cyfleusterau cyfieithu lefel uwch; a hyd yn oed cyfieithydd wrth law efallai yn y lleoliad ar gyfer yr aelod sy'n defnyddio'r cyswllt clyweledol o bell. Fel rhan o unrhyw benderfyniad i weithredu'r trefniadau hyn, byddai'n rhaid i'r Cyngor benderfynu ar nifer uchaf yr aelodau y byddai'n caniatáu iddynt fynychu o bell ar gyfer unrhyw gyfarfod, ac i nodi'r cyfarfodydd y caniateir i'r aelodau fynychu o bell ynddynt.

Gan mai mater dewisol yw mynychu o bell gofynnir i'r aelodau ystyried yr argymhellion uchod a rhoi cyfarwyddiadau i swyddogion ynghylch sut i fwrw ymlaen.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Y ddau opsiwn – peidio â defnyddio'r disgresiwn hwn, neu ymchwilio iddo'n fanylach ac adrodd yn ôl i'r Pwyllgor Gwaith/Cyngor – mae'r ddau opsiwn hyn wedi eu cynnwys yn yr adroddiad.

C – Am ba reswm y mae hwn yn benderfyniad i'r Pwyllgor Gwaith?

Nid penderfyniad i'r Pwyllgor Gwaith yw hwn.

Er mwyn gweithredu'r cynllun, byddai'n rhaid, ymysg pethau eraill, wneud newidiadau i reolau gweithdrefn y Cyngor ac felly mater i'r Cyngor yw hwn yn y pen draw. Fodd bynnag, yn achos newid i'r Cyfansoddiad, mae cyfle i'r Pwyllgor Gwaith fynegi ei farn a chyflwyno argymhelliad i'r Cyngor.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydi

D – A yw'r penderfyniad hwn o fewn y gyllideb a gymeradwywyd gan y Cyngor?

Efallai ddim, ond byddai'n rhaid cael asesiad cynhwysfawr o'r costau.

DD – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	
2	Cyllid / Adran 151 (mandadol)	
3	Cyfreithiol / Swyddog Monitro (mandadol)	
4	Adnoddau Dynol (AD)	Mae materion capasiti mewn perthynas â'r gwasanaethau TGCh a Chyfieithu a allai gael effaith ar y ddarpariaeth gyfredol ac/neu olygu costau ychwanegol drwy brynu capasiti ychwanegol.
5	Eiddo	
6	Technoleg Gwybodaeth Cyfathrebu (TGCh)	
7	Sgriwtini	

8	Aelodau Lleol	
9	Unrhyw gyrff allanol / arall/eraill	Ymgynghorwyd gyda'r Pwyllgor Gwasanaethau Democrataidd ac argymhellwyd y dylid gwrthod Mynychu o Bell oherwydd y pryderon technegol a'r goblygiadau tebygol o safbwynt adnoddau y manylwyd arnynt yn yr Adroddiad.

E – Risgiau ac unrhyw gamau lliniaru (os yn berthnasol)		
1	Economaidd	
2	Gwrthdodi	
3	Trosedd ac Anhrefn	
4	Amgylcheddol	
5	Cydraddoldebau	
6	Cytundebau Canlyniad	
7	Arall	

F - Atodiadau:

FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):
<ol style="list-style-type: none"> 1. Rhan 4 Mesur Llywodraeth Leol (Cymru) 2011 2. Canllawiau Mynychu o Bell